



紹述先生詩集

五

和13
1495
132

早稻田大學附屬
圖書館

寄第



第

號

第

卷

此書館外不許帶出



和
1495
止

紹述先生文集卷之二十九 詩集卷之九



男善韶 校

七言絕句

題先人所書扇頭

嘗從先子秋日遊高雄先子賦五言近體詩一首寫之扇

頭時勢州久居鎮醫員佐藤稜壽丈肄業在都過從之次請觀近詩先子以扇示之就而巧之未幾而回鄉爾來三十餘年杳無消息頃者因子外氏見示且詳其由請予題辭叶墨痕宛然手澤尚新非嚮學之深崇賢之至豈能寶惜之如此耶曰題一絕于其後云

嘗陪杖履討清幽三十年前蕭寺秋一握輕紈數行字忽令往事上心頭

名
卷之二十九
萬義堂藏

中肥州德島老丈見惠唐茶一器詩以謝之

胸中韜畧更無倫明世幸為無事人別有一般清苦
趣寄來久我建溪春

竹林早鶯已亥

一窠修篁隨意生春寒偏覺別般清夜來雪壓疑無
地忽聽黃鸝第一聲

應圭齋道兄之招遊松阜次韻主人己亥二月七日

綠水青山隔市城幾人到此厭軒纓無緣接近寄居
止醉對階前爛熳櫻

松契千年十乘院母氏九十壽

桃李艷春紅欲蒸爭能雪色得侵凌同盟唯有後彫
叟千歲真成耐久朋

拜望諸陵蘇東坡詩集卷之二十一

列聖遺弓日月新低回今日泣遺民纍纍柎墓無人
認首著花開滿野春

已亥三月遊泉南次奉渡邊道兄客舍來訪韻

故人鷄黍不寒盟洛下十年嘗識荆今日泉南春且
盡雨餘晴嶂眼偏明

夏日遊適堂師房六月四日維文敦素兩文到

細葛穿來汗作漿塵中無路挹清涼今宵相對心如

水坐了，是公竹裏房

錄前詩，示塾中書生，索和未成，自和以促之。

清暑殿中供蕉漿，天邊風露別般涼。人間不許放些

子來，就綠陰深處房。

仲弟長英筮仕，始赴福山，春來屢有書問，二首

江關風雪未期晴，黃巖山中信馬行。莫厭崎嶇千里

遠，丈夫生有四方情。

輦下新年十日晴，遙思水國恣吟行。書來先認平安

字好報，加飭慰遠情。

福山山本丈和拙詩，見寄再酬謝之。

雙劍十年依海城，清時誰請建章纓。登高能賦君家

事來賞，京山處處櫻。

根將文字買虛名，未肯絕交謝楮生。小雨初晴秋意

動，牽牛花下草虫聲。

和庠生次前韻

項羽唯知記姓名，誰將翰墨了斯生。秋風吹動道人

夢，又聽孤鴻報霽聲。

伊吹殘雪

誰上寶臺同賦詩，浮生半日有心期。溪山映帶總堪

畫最是晴峯殘雪時
誰知真箇與王佐長在蕭然環堵中
遺躅千年猶在
贊一簞一瓢圖

日一瓢傾盡一簞空
誰知真箇與王佐長在蕭然環堵中
遺躅千年猶在

小松落月

洛東真淨菴
十觀之一

行人遙認箇長松
蒼靄林間出暮鐘
看見小倉山月
落後峯秋色映前峰

己亥十月十二日展省之次上小倉山亭讀先
人遺詠法然次韻本韻本集失載

雙屐登登入杳冥
萬松樹裡一孤亭
好山似為

詩人設欲向峰頭謝巨靈

層巒障日挿青冥
雲樹多邊置小亭
壁上廿年遺墨
在應於此處託精靈

風吹雜樹雨冥冥
記得同遊上此亭
追憶不堪唯我
在漫將已曲答山靈

山家殘菊

己亥十月十七日杉氏招里
村氏一族及予凡山蓮阿弥

披山樹竹兩三家
白石溪邊取路斜
應待幽人來對
酌敗籬十月護黃花

贈小曾根生歸鄉

小曾根生自野州油田邑來學在
都周年忽告別書此為贈云庚子

憐子間關千里程
青萍三尺客京城
二荒山外春應

好牛角繫書，趁快晴。

題庸軒老人肖像

百年輦下競紛奢，清趣獨推鴻漸家。欲識此翁真活

計，一甌玉乳一瓶花。

朴所藤公席上邂逅風竹老丈見寄一絕次韻

酬謝

平泉莊裏絕囂塵，逢著飄然物外人。遺我夜光珠一

顆，應須醫得范丹貧。

卒賦

三月十四日
朴所公亭

疎鐘午寂雨絲絲，正是鶯花未老時。城裏難逢間半

日偶然得我賞春詩

道場古墓

古墓無人識姓名，玉魚何處鎖佳城。唯餘一線看碑

路，春草年年避不生。

舊宮人

胡蝶雙雙飛過牆，春風吹夢到昭陽。刺看落日半簾

影，燒却賽蘭嘗賜香。

便面小景

老樹槎牙未報秋，低雲閣雨落沙頭。孤舟白日誰搖

櫓，萬古蒼波人在樓。

登相國寺樓 庚子六月十七日

飛閣岩崑逼彼蒼，唄音斷處午陰長。高風吹散松巔雨，添佐人間一味涼。

星河秋久

乞巧樓頭風露浮，明河和月欲西流。仍思當日支機石，也閱人間幾度秋。

贈門田良臣歸和州 庚子五月

蕭澤十年初，但歸歸來蜀。晚雨中飛鄉人，若問榮旋事，好把芳聲賞繡衣。

外祖王母米年之壽 庚子五月廿一日

壽席杯盤時物新，子孫濟濟豈佗人。蟠桃結實三千歲，百歲尚餘幾回春。

芳賀丈席上偶賦 六月廿五日

桃花坊裡相逢處，竹葉杯中將暮天。一道清風松際落，自疑羽化欲登仙。

夏日得生師席上次養齋氏韻 六月廿四日

高蹤不厭市中住，老樹滿庭分外涼。喜子能知遠公意，幾巡為我舉瑤觴。

古寺殘月 秋興堂分題詩 歌十首之內

松老竹深秋意清，和風吹送念經聲。猶餘當日布金

地得半稜殘月明

十五夜秋興堂觀月庚子

竹隱題詩坐晚風秋河不動月方中遙思今夜蓬萊

宴應有夔龍奏九功

庚子九月十三夜蘭化齋賞月

較遲一月先三夜添在人間三五明明月同看千古

色連床一夜對秋晴

籬菊帶秋風

奇品嘗聞御愛黃縛籬徑徑護新霜微風蕩漾珠簾

影吹送珊瑚枕上香

又

紫菊叢叢徑就荒高情未必學柴桑秋風獨立東籬

下滿袖携來冉冉香

朴所公席上次中御門藤公賞菊韻九月廿七日

幸值華軒過綠野黃花如見晉人心陶鎔本自憑君

手併佐鏘鏘擲地金

攬翠軒即事庚子十一月廿五日

山水清奇甲帝州高蹤且向此間休一筇尋到小春

後數筆晴峯人在樓

題松下鶴立圖庚子臘月稻原玄亮題

不入鷄群謀稻梁，松陰六月午風涼。人間繒繳無緣到，靜整僊衣皓雪霜。

子曰祝應 兵部大王教 辛丑

探春勝日陟東岡，共採松秧栽向陽。長者金枝兼玉葉，四時不改影蒼蒼。

辛丑之秋遊江州宿南市村安原氏宅遂到小

川村尋藤樹書院

江西書院聞名久，五十年前訓義方。今日始來絃誦地，古藤影掩舊茅堂。

遊今津莊嚴寺既歸友生傳和尚見寄四絕句

輿中忽忽和呈二首

偶尋蕭寺到江邊，豈是三生石上緣。歸去又穿翠屏，東秋濤一色共長天。

采對麻衣林下人，清茶待我以佳賓。更於勝槩牽餘興，一徑青苔不惹塵。

題枯蘆翡翠畫 應花山黃門公之懇

枯蘆數葉美秋暉，翠鳥窺魚不肖飛。憶得扁舟湖上晚，夕明身自此中歸。

辛丑之歲予遊丹州久下文人見寄一絕既歸

和謝

東魯文章日月尊，遺風千歲著人溫。偶然聚首窮山裏，目擊分明不假言。

赤城暮雪

千仞霞標天末橫，模糊雲樹礙雙明。北風吹雪日沉閣，玉削芙蓉別樣清。

八條羽林藤公賜新詩并芍藥一朶詩以奉謝

誤聞董生長，下帷家園十載不。曾窺遺子合浦珠，一掬分與廣陵春。一枝

題太公釣渭圖

一片苔磯綠水濱，長竿手熟五溪春。誰知異日鷹鷂場

者即是當年鵠髮人

題周子愛蓮圖

徹底無塵一鑑空，愛花人在水晶宮。清波濯出亭亭翠，輝映光風霽月中。

綠竹不改色

烟梢露葉影蒼蒼，環佩聲來秋滿堂。閱盡世間紅紫，開清風吹夢午陰涼。

即事

更無閑事攬幽夢，夢覺謾書字字斜。春事闌珊猶昨日，一墻開遍繡毬花。

題畫竹

嘗扣衡門訪子猷，烟梢點亞綠如浮。不知身在剡溪上，一榻清飈一枕秋。

題梅畫

楊家名畫著當時，幻出橫斜掛月枝。驛使不來春又老，綺窓和雪弄瓊姿。

應兵部大王，教賦初春，鶯，壬寅。

瑞靄氤氳映斗城，王侯第宅屬昇平。東風吹綠滿園柳，便有黃鸝枝上聲。

社頭梅 池見氏父 安田翁壽

姑山仙子出塵姿，笑向東風傍古祠。時與遊人花下酌，只知遲日更遲遲。

卒和 春日訪 木鐘犬

黃鳥白梅輦寺春，真遊何羨葛天民。世間榮辱幾場夢，又與東風一度新。

豐公故壘桃花

叱咤時移霸業空，百年葵麥動春風。金湯變作桃花塢，遠近霞蒸十里紅。

次諸友見和

大澤龍蛇積水空，夕陽殘墨立悲風。同遊非復昔遊

客桃艷自燕人面紅

即席

壬寅三月中，醉應啓上人招遊岡崎幽居。

四面峰巒三面入，十分春色二分殘。法書名畫幾回

展，豈只浮生半日歡。

杜甫騎驢圖

勝所小，林生求。

霓裳曲歇動胡塵，板蕩祇憑社稷臣。破帽蹇驢綠底事，畫家只識顏詩人。

夏日始奉謁

開院宮講魯論

壬寅五月廿二日

長安城裏繡衢分，花萼樓高映五雲。叨對鳳皇池上客，執經日午沐南薰。

嘗識九兔秀才于一播紳家，交未熟然意其有

學道之志，近來挾策來訪，且見索尊萱七，表初

度詩嗣其壽詩以祝之。

不須千里勤加餐，膝下日承慈母歡。兒女滿堂稱壽

酒，奏功豈只九還丹。

殿庭多夏興

六月廿五日

仙韶時奏五絃詩，大液芙蓉始出波。十二欄干簾影裏，好風偏傍御前多。

胡人雪中獵騎圖

長州志，川氏懇。

天山飛雪注銀箭，虜酒千鍾馬上傾。豈是胡兒能易

我中原元自壞長城

八條羽林藤公賜拒霜花一瓶并高作一什次

韻奉謝八月三日

秋艷唯看有拒霜故先紫菊占幽芳斜封三道荷高
意一朶寄來葉几傍

題牡丹畫八月十五日

沉香亭畔殘春姚魏粧成別樣新
豪興空將歲華去纔留數朶與詩人

題畫字都津氏懇

山禽亦擇好枝來飲啄相依粲粲梅未見幽人花下

酌莫令狼藉委蒼苔

秋郊晚出

人事自兼天事催木綿結子蕎花開山風不管世間
鬧穩送鐘聲渡水來

識山縣子已十餘年矣過京之次每枉垂訪今

茲春中暫寓京邸幸蒙佳招同門生舍弟等到

湯次惠韻

漫說韋家傳一經休言玉樹植階庭荷君千里命駕
意徹夜對燈眼共青

野徑梅

雪壓橫斜俯野塘，馬蹄到處惹殘香。自開自落誰相惜，分付行人任品章。

阿松試醉 十月八日

詩禮叨嘗陪，鯉庭年過半。百始添丁，傳家已見五。兄弟又欲阿兒遺，一經。

詠五寺 十月津田氏求

廢寺

修篁密樹足禽聲，寒殿無僧鎖月明。片瓦尚餘當日字，有人採去代陶泓。

古寺

江左君臣求福田，嘗營華屋奉金仙。六朝事業託青史，棟宇空傳天監年。

山寺

塔廟參差占一峰，白雲影裏出清鐘。山僧偏喜遊人到，指說當年摩頂松。

野寺

精舍距城可里餘，夕燈午梵接郊墟。一支派得田間水，為鑿小池養芙蕖。

水寺

雙雙白鳥衝烟飛，松寺臨江半掩扉。欲借繩床供醉

夢一船明月載僧歸
岸本法眼壽賢從先子遊
數十年齒向期頤精
神不衰

太上皇優其高年
宣召賜謁詩以賀之
逢著蟠桃幾度春
濟生功就儘精神
思榮今日自
天處不老門前不老人

高森安立丈壽乃翁六袞初度見求賀詞為呈
一絕

小築隣山鎖紫霞
行人云是地僊家
龐眉鶴髮杖扶
兔鎖看園中續續花

立尚松契千年
島田君六十
壽渡邊氏求

雲深茂樹擁層巔
往往相逢騎鶴仙
天下無朋能耐
久喬松唯看綠千年

幽山居士自長州來卜居鴨河濱和呈
畏景十年從海濱
幽居來與白鷗親
門前慵植五株
柳點檢舊詩不問貧

蘭畹氏寄脈夢中所得詩要和
聞秋間嘗有東
與之行故云

羨子豪遊日本東
白河松島度長風
歸來又對舊書
幌芳草春生殘夢中

訪若水詩仙

蘇東坡先生集卷之二十九

一菴依嶺占清奇，聞說王翁素好詩。欲渡長橋無復板，盈盈一水使人悲。

應兵部大王教賦春情有鶯癸卯二月廿七日

風兼殘雪聲猶緊，青入燒痕色未勻。只有鷓鴣黃最饒，舌垂楊陰裏報春新。

雲錦林老丈官于和之高取為世臣，理務多年

屬辭而弗得，退者掌府留事齒逮古稀，射御不

違，仍以松頤鶴飛回為題同賦一章以伸賀之

千尺長松蔭翠微，仙翁頤認舊巢歸。翩躚時擇好枝

立，尚見當年丁令威。

恒窩氏和予去年故壘觀桃韻，見贈再和却寄

三春舊事一年空，記得桃嬌帶野風。命駕又期花發

日並，鑣同賞淺深紅。

癸卯三月廿七日遊猪飼氏自然亭

分得城中十丈塵，郊西一路西三人。自然亭上自然

景都，屬山櫻落後春。

八月應森下氏之招遊靈山

城東佳寺趁清歡，脩竹叢間不隔巒。小雨初晴秋慘

淡，清樽對月擬共看。

再和

蘇東坡先生集卷之二十九

一日歡當十日歡高亭置酒俯群巒連篇珠玉荷高
眷愧在陽春白雪看

操谷老人雪中訪蘭畹氏有詩次韻寄之

歲月崢嶸風雪時跨驢覓句者其誰翩然直造故人
宅更於薛間留一詩

題畫 朝杖 氏懇

風篁臨水帶寒聲恐有扁舟訪戴生一咲出門天地
濶山從雪後轉分明

奉謝羽林藤公賜園卉一筩并高詩 甲辰

滿園芳艸盡天工花蕤薰風冉冉中數朵折來添翠
意奇葩帶露別般紅

或書椿壽八千字請題其後

百壺送酒醺華堂燕舞鶯歌日正長椿壽八千傳自
古為君更祝萬無疆

網齋丈春仲東行之次自天津驛見寄一絕次

韻別裁一詩以代面晤

千里西來千里去人情世故巧相違歸鞵到日秋風
裡剪燭何時綺席依

潭府周旋知健在城中誰與講斯文華京比日困炎
熱時就松陰一簇雲

蘇東坡先生文集 卷之二十一 蘇東坡先生文集

古硯千種見白鬻宗嘗自勢州來齋一古硯見蘇其狀類風字慕當世名匠多著篇詠又巧予詞因賦一絕以還之云○享保甲辰

紫石稜稜自端溪琢就文泓氣吐霓日永明窓鏡樂意應濡兔穎寫新題

伊藤鳳陽氏寫大字數幅見時年十四詩以獎之

新涼帶雨到郊墟會見銀鈎照草廬今日能成如掌字他年應讀等身書

籬菊初綻

野人愛菊有清香旋縛短籬栽幾行露底今朝三四

綻未堪摘去泛金觴

月照流水

清眺臨水太有情暮鴻欲下叫新晴誰將天上半梳

影擲在溶溶波底明右二首兵部王題

甲辰九月十三夜蘭化齋賞月

紫萸摘盡雨初晴東嶺雲開新月生新月故人相對坐誰令玉笛弄秋聲

藥畦梅惠通長崎百梅之一

雪壓山人栽藥畦瓊姿相倚月高低曉風吹斷羅浮夢翠羽參橫枝上啼

兵部卿官家同賦梅有佳色應令乙巳正月
梁臺雪霽值梅開春色十分天地來風度綺疏塵不
到花前終日醉鄒枚

桃花水一首壽東泉翁七表初度辰是日值上
巳

流水桃花三月三春衣深得綠於藍又逢七表懸孤
日介壽應齊彭與聃

鶯知多春應尹宮令旨
暄風恰恰轉黃鸝正是三春行樂時歲歲應知長若
許飛觴同蔭萬年枝

壽某孺人五表義仙女弟乙巳春

絲衣本是手中絲共捧霞觴壽萬斯天上玉桃初結
字應隨王母宴瑤池

賦花契週年壽奧田宜休老丈六表
凝霞臺上凝紅霞鳳吹聲聞仙子家不向人間推甲

子長年醉賞碧桃花
踏青三月十五日蘭畹亭

芳原乘霧輾鈿車一道裙腰傍水斜多少遊人多少
興春光知入阿誰家

夜泊四月五日弊舍

守風一夜倚篷窓四望蒼茫月滿江隔岸峽猿啼寂
寂避人水禽去復復

垣內全庵丈筮仕豐之中津過京見寄一絕因
賦小詩謝會

一別而今三十秋東來分手又西遊相思千里豐城
遠應見龍光干斗牛

適堂老禪席上同次見脉韻五月二日

麴米春生滿臉紅覓詩客坐夕陽中困人天氣晴還
雨不厭上林茶味濃

夏夕五月廿一日樊宅

湘簟平鋪坐小齋蟬聲和月在高槐閑來栽箇數竿
竹收取清飈涼滿懷

贈小西元柳生輓乃翁小西元柳生世住江州業盤來學有年矣客歲

乃翁告終聞平素薦厚君子人也而予未面屬者生來求予作輓詩且示有相識之契於後世為裁一絕以還之
去時享保乙巳三月也

高蹤嘗寓大湖濱囊裡神方能壽久喜子菑畬傳世
業年年領取杏花春

采蓮曲六月廿一日猪氏宅

小舟纔受雨三人一棹撐開楊柳津不管素波濺裙
帶荷花多處去來頻

續通先生文集 卷之二十九 雜詩

七夕雲 兵部大王令 ○乙巳六月

象緯森森拱紫微，
星是夜有光暉明，
河影斷雲來往，
誤想天孫遺繡衣。

金龍秋月 金龍八景之一 平井氏求

金龍蟠處白雲流，
片月徘徊接斗牛，
嘗有幽人歌窈窕，
清暉不減昔時秋。

磐梯晴峯 會津徭待亭十景之一 自堀圭山氏請來

一方磐石與雲齊，
恍訝青霄堪可梯，
登陟未期投謝屐，
圖來千里勒新題。

秋色 八月十一日 香川氏舍

一雨報秋人倚闌，
朝來爽氣滿西山，
化工不倩丹青手，
半幅生絹天地間。

乙巳中秋

把筆嘗題蕭寺夕，
含杯每讌廣文家，
十年人事多陳迹，
坐待銀蟾上碧紗。

桂樹影寒催雨意，
冥雲飛過落闌干，
不因荊楚歲時俗，
煨芋笑侬學懶殘。

田家賞菊 九月廿一日 獎舍

鴛黃染出御袍黃，
秋旱灌畦搖桔槔，
方是主人家釀熟，
也堪痛飲讀離騷。

名述先生文集 卷之二十九 雜詩

中書宗良王贊久留米家人迂官大夫懇。乙巳九月
嘗著錢衣絳鳳池，征東詔下上壇時。誓將一死酬明主，不向世途久險夷。

北畠准后親房卿贊同上

孤忠許國列簪裾，休嘆半生身計疎。故山松桂無人問，應被秋風倒草廬。

兒島三郎高德贊同上

聞說翠華忽北轉，義旗無術復中原。縱然事幾暫相失，耿耿丹心千古存。

和井口翁韻南紀井口翁上都招予及弟長衡飲圓山僧房和謝詩

別相逢鬢已斑，東山蕭寺對孱顏。明光奇勝期重討，單舸尋君綠水灣。

寒山十一月廿一日淺井氏宅

兩峰高並石峻嶒，人自白雲深處登。日夜山風吹葉盡，青猿抱子匿寒藤。

書因梅森下氏懇

閑窓二月坐東風，影掛兩竿斜日紅。不為誰家羞管動，梅花落在筆牀中。

巖頭梅

不管長安桃李春，白沙翠竹耐為隣。花如冰雪枝如

蘇東坡詩集卷之二十一 蘇東坡詩集

鐵獨倚幽巖伴韵人

次韻適堂師丙午新年作

寵辱不驚林下人，靜繙黃卷領青春。雖然年齒與俱邁，却見新工日又新。

春江漁父

二月廿一日 猪飼氏舍

家在萬竿脩竹南，春煙點罩柳鬢鬢。歸梳只趁江風便，網得魚蝦未滿籃。

山行

二月十一日 弊舍

登登一路涉崦巖，天日蔽虧蔭檜杉。洞口待看流菜葉，却遭山雨濕春衫。

田園樂

三月一日 山秀才宅

昨日公門償逋歸，菜花滿眼杏花稀。陽坡暴背軟莎穩，不信人間有錦衣。

蘭化齋賞牡丹

四月九日

嬌鶯細雨送殘春，又着天香惱殺人。一枕夢回松影轉，起看穠艷別般新。

午睡

四月廿一日 拙宅

薔薇花謝午陰長，海燕壘巢依小堂。夢斷不知春已遠，偶然消受北窗涼。

夏日禳輿

五月十一日 山秀才宅

夜雨新添屋下泉，殘紅戀樹未鳴蟬。幽窓有箇扶疎竹，也動清飈到枕邊。

假山有懸崖邃谷之狀，名曰小華山。朝枝生求

雲開大華倚蒼天，多謝愚公移一拳。玉井宛然峯上現，會看十丈藕如船。

掬水月在手。六月十一日蘭晚氏

金波摇曳月光流，六月沙頭涼似秋。偶乘餘酣承一掬，自誇手裏握天球。

一拳石綠質，肖山自頂中。分白理如水，取和語。丙午中秋本多侯郎野野山氏求

一片玲瓏珍夜光，當時嘗伴米襄陽。峰頭猶宿去年雪，坐上應生六月涼。

詠愧偶子。八月十一日宜齋氏宅

形骸土木綺羅身，到處逢場戲弄春。只道工夫由一線，不知造化却牽人。

山館初冬。十月二日淺氏

滿山松檜綠參差，孤館無人問阿誰。黃葉擁階猶未掃，收來擬寫舊題詩。

寒月。十一月十一日猪飼氏宅

皓魄方中玉宇寒，夜深星斗影闌干。長安多少朱扉

鎖紅獸烟消，不肯看

壽按察使藤公六十小川坊城藤公

隆寄嘗膺方伯，任仙班日侍玉皇前，又看桂子蘭孫

茁瑞雪紛紛飄壽筵

或持小石假山來屬予，名且詩之，小似拳有三

峰巖然之象，云矢倉氏之所愛，命之曰小玉山

為賦一絕壽史琢間生，懇丙午仲冬

東道從來性愛山，嘗將拳石擬孱顏，不煩童仆航溟

海幻出三壺咫尺間

國東疊翠勢州奧田氏清眺閣十一，勝之一享，保丙午暮冬

一夢十年思昔遊，青山擾擾入神州，羨君眼界寬如

許，相對尋常不下樓

少年行丁未二月十一日井上氏舍

日日臂鷹分綠蕪，予明出郭到將晡，臨流時飲紫騮

馬買酒頻呼赤脚奴

王昭君丁未閏正月廿一日弊舍

肉食誰謀帷幄中，漢家近日厭邊功，甘將艷骨埋沙

漠，寧恃華顏恨画工

訪友不遇

勝日柴荆訪呂生，辛夷花謝過清明，書聲暫歇應門

名述 卷之三十一 古義 卷之三十一

說昨昔家翁偶入城

曲水研

天然研一方面彷彿有曲水之象名曰曲水研措紳家賦和詞以見褒又徵子

言為賦一絕云
○丁未谷生懇

山陰修禊事千年今日風流圖畫傳
恭得右軍換我意一泓曲水屬天然

梅問柳

不把和羹干世間獨凌冰雪枕
潺湲風流何事章臺畔日送腰支學小蠻

柳答梅

冰姿只合鎖春光湯著含章簷下粧
豈與鶯花成世

界甘將松菊老柴桑

牡丹正午素相傳知是宜和
第幾年輩秋來驕且點千金購得聘含蟬

夏雲 六月廿一日
井上氏宅

重重簇簇接天明漫學奇峰功未成
何若化為三日雨遍潤九垓澤蒼生

小笠原松泓老丈素嗜學不遠千里翰儀兼至
且寄高任一章冗務相仍不速謝奉愧負多矣
比西上之次在荷垂訪因賦一絕以謝云
丁未

重山複水幾多程，千里書來荷厚情。慙愧相逢何以報，一甌陽羨為君傾。
臨楊補之圖，正田全暇筆。
題畫梅
丁未七月角倉稅官求
嘗聞奉勅畫梅名，今日相逢眼倍明。應是羅浮山下，夢依然月落又參橫。

涼秋夜月

八月二日 淺氏宅

風捲暑雲驀地收，銀蟾光滿帝王州。相逢話盡十年事，不負蒲團一夜秋。
軒楹涼足月華浮，影落長川歷歷流。童子當隅呼不起，虫聲又報去年秋。
紹述先生文集卷之廿九終

紹述先生文集卷之三十

男善韶 校

七言絕句

題子陵釣臺圖

丁未九月 二日 樊舍

出處從來一作由人豈一途，誰將軒冕當錙銖。雲臺遺貌

畫像一作無人問，今古爭傳巖瀨圖。

鶴為田丸 老丈賦

不逐鷄羣日夜喧，蘿莖嘗伴故山猿。白雲飛處去來穩，春暖松陰護子孫。

韻次韻奉警

起遠芳叢知幾回正逢黃菊向人開歸來忽喜斜封到頓覺瓊華照草萊

或携一瓢來丐予詞為題樂只二字曰賦云

九衢滾滾沸車塵中有悠然獨樂人休道一瓢藏世累養花還耐駐青春

丹州龜山鎮中村織秀才年甫十三性耽文籍通其大義前日乃翁携其所著二小冊來題曰愚得字義述往訓貽後戒叙文武忠孝之說

自警不亦可奇乎為賦一絕勗資益麗澤以終

良駒嘗識致千里一片夜光還耐驚後覺須憑先覺力晚成莫墮夙成名

題畫

澄江絕壁鬪清奇誰倩丹青坐上移恨殺山翁與溪叟茅閣相對不相知

孔明像贊 若州本庵氏求

鼎峙三分互戰攻吟成梁父蔭長松阿瞞徒自誇多智不意有人思臥龍

庭柯撼撼葉聲乾，裘帽嚴來猶怯寒。應是朔風將雪到，模糊雲影擁層巒。

歲丁未遊攝州平野四首

百濟川西坂上，居深濠環邑似城墟。相逢含翠堂中，客滿地，松陰滿架書。

隴上無人更輟耕，一村桑柘一溪明。湖山龍戰百年過，喜聽絃歌屬太平。

峭壁如屏遠郡開，白雲却自別州來。箇中更有幽人住，松下繙書到日頽。

十里籃輿度遠坳，讀書聲在樹陰亭。興來偶伴邑人出，指點名山箇箇青。

小武友梅翁年登八袞，設題每春詠梅募壽詩為賦。

二絕以寓頌禱之意，云時享保十三年戊申春

三月也

品題奇水與名山湖，北湖南幾往還。又為梅花遊上

國，頽齡八十尚朱顏。

禪榻鬢絲烏角巾，一亭占勝與山隣。梅花好處苦相

覺，不負年年輦下春。

大津歸帆台山某院十一二境之一戊申之秋

嘗駐六飛知幾春魚鹽今日簇江濱不圖身在詩思裏五西風輕入大津

享保戊申夏養元氏貌其所生田丸翁壽像見

索題詞目書云

嘗將刀圭宦東瀛又攜青囊入帝京誰識良工難寫

處婆心一片壽蒼生

溪橋紅葉

戊申九月十五
日香川氏宅賦

山如雙闌一溪通霜葉橋前別樣紅欲到秋光尤好

處此身已坐繡幃中

不寐

挑殘燈火青熒影聽徹柝聲長短更衾銖稜稜眠不

穩紙窗鷓地報天明

贈田中生

田中恬所氏今茲自備之葦守上都
來訪及其歸贈之以詩云己酉三月

長安時節屬清明喜子扁舟遊帝京記得當初頻聚

首詩書不負十年盟

賣花翁

幾枝紅紫整還斜十字街頭一片霞只問青錢直多

少擔將春色過隣家

題畫

德永生求
己酉三月

薪蒸得得入烟霞山雨將風樹影斜一笠飄空留不

名
德永生求
己酉三月
題畫
薪蒸得得入烟霞山雨將風樹影斜一笠飄空留不

得倒騎烏捷返儂家

題畫

茄子把○已酉四月應白井友軒翁求

白井道人心匠精一根兩顆紫膨亨萬錢於我儘無

分契著還堪畢此生

葉排長耳重重綠實綴金丸箇箇黃誰復西園能載

酒摘來一朶侑瓊觴

奉和光祿清公高韻述回公申奏

院中辱蒙 恩賚兼致展謝

聞說明時無棄才迂踈却愧或相倍露恩忽自

九霄下偏喜躬遭文運開

杖信雙求

題踈柳翡翠

已酉九月

踈柳新霜野岸頭翠禽戩翼影清派羨君三尺幽

杖信雙求

東管領吳淞一片秋

題燕子揚柳圖

已酉之秋

丹福知山人中山生之懇

羞池輕燕日初長旋壘新巢棲翠揚樂意相關語何

專幽人手卷坐茅堂

南樓對月

已酉九月望日諸君子來集

昨夜石郵飄屋瓦頑雲收盡報新晴黃花未開故人

到重對南樓三五明

詠墨竹

閏九月五日伊藤文宅

此君千古有清名，貌得風神太瘦生。不是緇塵相染，著烏衣。王氏奮同盟。

閏九月十一日詣泉涌寺時開示古寶內賜諸物

十里道遙入化城，五陵雲樹鎖秋晴。甘泉尚認當年跡，仰着袞裳日月明。

秋草 閏九月望夕 香川丈宅

輦路幸稀秋草荒，其來短短又長長。雖然不被朱輪輾，狼籍那堪一夜霜。

秋宵聽雨

寒雨撲窗夜未明，應教遊子動鄉情。秋風吹斷歸家夢，忍聽芭蕉葉上聲。

秋雲 閏九月廿六日弊宅

一望江南江北秋，白雲曳曳泛清愁。往來不佐巫山雨，又繞舵牙落別洲。

題仙寶石

小石假山一座名曰仙寶峰直嶺橫瀑懸崖斷之狀粗備伊藤直齋文目其同寮某丈之懇見求拙詩時草保己酉日南至也

煉石功成餘一拳，窮山托迹伴飛仙。幸逢米老稱知己，宛在明窗棐几邊。

岡田玄松生嘗寓于予塾肄業近見求乃翁八

旬初度壽詞，冗懶相仍而未果，都人將東來報

翌日有便草草書此，展賀。己酉十一月念八日

尚父當年有典刑，承平時節隱東溟。後來閑却釣鰲手，會看人間圖壽星。

早春園中覽物。回文康成上元香川氏宅

春早逢場一夢殘，破腮梅蕊玉珊珊。人情有此屬間地，隣樹園環山，數寒。

春晚長井文宅觀花即席

遮斷城中滾滾塵，松關竹落鎖青春。白櫻桃下醉終日，高枕不知有主人。

贈塾中諸子

離鄉迢遞滯京城，萍水相逢皆弟兄。喜子前程期遠到，螢窗殘夜聽書聲。

勗諸學子

千里從師緣底事，期將禮樂美斯身。須為出格超羣漢，莫位隨波逐浪人。

勗童生二首

誰甘草木與同腐，莫使鳳麟為獨奇。聞說分陰重尺璧，朱顏幾日鬢絲絲。

桑梓遙遙違色養，水哉閣裏寄斯身。須將辛苦酬恩

渥莫做尋常碌碌人

金鰲背澳西有斐氏之所藏小石假山也其質秀溜有稚

樹小草生于其上目見請名且詩之云時庚戌六月也

芝窓晝永凝清香也著雲根滴翠光鰲背駕來知幾

日依然尚在水中央

人參畫贊

津城蟹負宮崎氏求

徐市採餘子孫繁又聞良品自三韓要知微物關民

命五葉圖成仔細看

題屏風

輕陰閣日未斜曛首宿肥春柳絮紛豈只喁喁露帝

澤方今戎馬不空羣

前時茶博休翁山埼妙喜庵側搆一茶室有古

松一株徑窄礙人衣袖名摩袖松韵人之所珍

賞肥州青澗牧子獲其枯拊裁為攢花之具請

予詩回賦一絕云

嘗蔭衡門伴玉川幾年蒼翠裊茶烟斷舊今日升尊

俎鎮揅名花貯井泉

松添榮色

壽桂橘泉八十八辛夷

五粒森森倚翠岑清風時動和清琴榮名應與歡無

極春到偏知黛色深

春晚遊達軒公大觀樓賦呈三月十日

諸公衮衮退朝時，別館看花雪壓枝。當面好山如獻笑，又懸晚雨欲催詩。

是日次奉公見眎高韻

尋來徐老海棠棠，巢結構面山花亞梢。已了三春詩酒約，還須月弄且風朝。

題畫 江三俊懇

板橋跨澗隔蒼岑，臺殿參差雲木浮。不向冰山甘炙手，應來邃谷訪知音。

春晚泉南訪高志氏席上酬謝浩齋惠韻

寧問人間有達窮，天涯相遇醉東風。豈唯刮目別一日，非復當年吳下蒙。

雨中

天公不肯放閒人，歲月侵尋紫陌塵。看過雨中花狼籍，今年又負一年春。

春盡

春樹迎人雨若絲，經行花落鳥啼時。江邊猶有折殘柳，只管關山笛裏吹。

山家風

衡茅三五結依山，只植雙松不設闌。一道清風來颯

蘇時吹桂子 墮庭間
晚夏蟬
好鳥奇花開 一場睢園殘 夏樹蒼蒼鳴蟬何處尋 無
迹獨占高枝送晚涼
題竹林七賢畫
典午山河轉陸沉 扶持無策厭人心 丹青空寫清談
客携手終年醉竹林
水近微涼生
欲占新涼何處宜 池臺三尺俯清漪 荷香來枕不須
折魚隊依人自可窺

蘇時吹桂子 墮庭間

晚夏蟬

好鳥奇花開 一場睢園殘 夏樹蒼蒼鳴蟬何處尋 無
迹獨占高枝送晚涼

題竹林七賢畫

典午山河轉陸沉 扶持無策厭人心 丹青空寫清談
客携手終年醉竹林

水近微涼生

欲占新涼何處宜 池臺三尺俯清漪 荷香來枕不須
折魚隊依人自可窺

松間月

迹入白雲山更深 小亭寄傲滌煩襟 萬松影滴參差
翠片月光鋪瑣碎 金

八月十三日 扈 輪王一品宮駕到二尊院

秋葉春花來幾度 清風明月遇斯時 幸追高躅造佳
境長對嵐光泛酒卮

辛亥八月十七夜分題得秋月仍圓夜

藍水遠來環帝州 共歌明月宴高樓 清光相照人霜
醉豪興不輸三五秋

辛亥八月二日廬山寺賦

秋院新涼二首

新秋一雨洗千峰，涼動階前摩頂松。欲就晴窓窺細字，篝燈何必待三冬。右得冬字

名藍千古擬匡廬，雨罷中庭松影孤。分韻不知蓮漏報新涼，且喜入郊墟。右得孤字

醉蓬萊壽淺，井國醫六衰。

仙紗嘗樓海上，山僊桃花發。映醜顏，世間甲子初周匝。鸞馭道遙未肯還。

辛未八月十四日諸君垂訪賞，月分題得池字。茅亭招客近佳期，明月分影落硯池。何術能酬今宵興，偶然分韻浪仙詩。

秋草九月二日廬山寺分題

席展茵鋪江草齊，不堪霜露日淒淒。雖然憔悴無顏色，待看春風綠一堤。
文碩生將寧親信州持幅帑求詩

征馬晨嘶驛樹，霜天南回首。雁成行，三歲不負陽城約。何必繡衣還故鄉。

題畫曾我氏懇

朝來爽氣滿長安，新雨衰梧露未乾。徹夜西風吹不盡，尚留殘葉月中看。

贈西三省辛未冬西三省氏以醫應聘宜于撰之尼崎予自幼相識且夙識乃翁三

伯丈有二世之契今年未壯已通作籍可見其有濟生之具將行求文以餒冗迫之間不能卒構為賦小詩一絕以華行色云

郊闕風雪促君行百里長川向海城具慶在堂年未艾好將鴻術壽蒼生

賦螢過窓

壬子初夏應今出川拾遺藤公之求

螢焰隨風暮色暝有時一點度窓櫺幸然免被輕羅撲又墮中庭翠栢屏

書
享保壬子夏日為參州大野潤龍寺陽舜秀師

乾坤何處繫孤舟疊嶂烟江半幅秋適遇高人能墨

幻十年一夢憶嘗遊

次奉林鳳丈人見寄

壬子閏月日

別來甲子轉悠悠渭樹江雲春又秋秋月春花黃卷裏應知無意覓封侯

五月念五日難波橋邊遊行時橫山君席上卒

和中井賢契韻

茶甌酒榼共扁舟十日遊中又一遊料逐四時饒勝事夕陰冉冉轉清幽

五月廿五日回中井氏介應橫山左門君之招

赴麻舍

百年海宇屬文明，多子攝南以道鳴。相遇孫弘開閣，日論交不是世間榮。

謁土岐侯于攝府，府士三浦丈日來寓館祇侍。

次韻酬謝

從來稽古愧桓榮，夙入儒林掛姓名。調護荷君相厚意，優游不動返鄉情。

自攝將還次奉東陵在君贈別高韻

捧卮告別兩三行，忍聽渭城朝雨。章幾歲信依先子，道偏欣潛德發幽光。

題三咲圖

壬子六月石川平右衛門氏懇

濁醪漉罷且嘗時也，着烏巾尋遠師。偶爾三人相視

笑風派千載索吾詩。

蘭山丈人自賀赴攝，賁臨弊廬見跡一絕嗣韻。

以謝

壬子六月下旬

縹緲雲山鎖，越天相逢今日有奇緣。荷君千里命駕，意傾倒何妨席更前。

新秋書懷

嘗掬清泉依樹陰，忽看秋色入園林。畫窓誰負青燈影，送往迎來自古今。

竹鶴贊

壬子九月日岸和田世良養生和

華軒當日擬封侯，志抱凌雲不自由。唯有此君同臭味，縞衣相倚立沙頭。

寄松祝賀五百藏省翁七表壬子復月令日

開讞盛衰頻，惱人。世間花柳幾迴新。閑庭有箇長松，對盤桓相對，不計春。

題桐花圖壬子九月曾谷猪助氏題

鴛溪掃破鳳凰枝，花簇紫霞相映時。怕秋風吹葉，盡覽輝千，似此來儀。

小澤生書來，兼見寄佳什一闕，次韻以謝。

井木有根水有源，讀書共荷聖師恩。江湖烟艇十年，

夢偏喜珠璣，粲華門。

桐木火籠

誰截嶧陽棲鳳枝，霜皮文剝轉離奇。不遭焦尾知音，賞熨手寒宵，撚凍髭。

得崇寧折二錢，以銅匡且底之，作水中丞。

往史空傳花石綱，崇寧事業墮蒼茫。青蚨不逐胡塵去，却入搏來傍筆牀。

文房四詠應小倉羽林公題

一筇得得訪知音，山月迎人照素琴。今古陽春和者寡，絕絃誰會伯牙心。右琴

瑤草琪花占斷春，松門不許駐朱輪。時聞碁子丁丁響，莫是超然燕處人。右碁

白醉拋書情倦時，閑園十畝且休窺。晴窗展玩晉人帖，惟有鸞群獨見奇。右書

琵琶馬上奮精神，貌得千年意態新。不為君王求版築，恨將粉黛賂胡人。右畫

次緒方惟修早梅韻

拋却牙籤書幾堆，前村雪裏問梅來。嬌鶯癡燕無語生，面時兼新句開。

春初同訪自隱老禪，賡見跡韻以謝。癸丑早春

煙霞梅柳滿城春，却訪高情遺世人。肉食還佗班定遠，清茶香飯不論貧。

春仲蘭化齋邂逅自隱老宿兼呈

二遠相知餘卅年，又來竹院醉花前。相逢勝且須傾倒，肯向壺中別覓天。

宕山高僧年年辱贈嫩蕨戲作一絕以謝之

岳頂烟開日影遲，手挑嫩蕨遠分遺。年年喫著首陽味，未必清風學伯夷。

與諸老宿會長井鑿伯亭癸丑三月十七日也

紅紫年年謝，復開故人得得去。還來三蕉到手醺然

處相對何知老色催

安井生將寧親，泉州示岡部，侯嘗所賜高作，且要，和仍奉次，嚴韻，兼贈其行。

癸丑夏日

明府英年能愛才，嘗聞東閣為君開，拜家慶畢來，須臾五月江城唱落梅。

香川某宅次自隱老師即事韻

休道人間色即空，殘紅戀樹殿春風，相逢終日淡如水，綠酒傾來却覺濃。

河津正伯老丈客歲東來，迄蒙臨訪，慰存具至，殆如舊相識，未幾，久手殊屬悵然，為餞以一絕。

癸丑仲夏

油幕春深細柳營，謝君清暇訪柴荆，古來傾蓋還如故，爭奈忽忽唱渭城。

畫贊 為篠田生書

清見關頭足壯觀，晚潮帶日落松壇，生平久負登臨志，只是丹青仔細看。

樋口老丈席上見眎追和其韻以謝之

卜築東山知幾年，清容嘗記接詞筵，料隨行住饒佳興，欲看白雲相對眠。

送陽舜禪師刊行祖錄還參州

穿過千山萬水中，得得遠來揚祖風。愧我一經傳世業，汗青頭白未成功。

築波積翠 江戶現龍院縮荷菴十景之一癸丑秋日芥河氏懇

風雲變幻落中庭，直北一峯終古青。應是相看長不厭，時延詞客坐松亭。

中山文谿氏自丹州見寄一絕次韻謝答

沙麓平原路幾程，毫不隔故人情。終年長占佳山水，應聽泉聲與鳥聲。

題画 同人懇

蘆枯一雁落沙頭，宛見吳淞半幅秋。不繫帛書傳上

苑寄將霜信到滄洲

題画 應澳西氏之需梅画望玉斨筆癸丑鵬月

卻月凌風迹已陳，橫斜分影別般新。肌膚冰雪清如許，應寄姑山一點春。

寒更聽雨

霜蓬與鬢共崩髻，甘把光陰付刻藤。疑是廬山岑寂境，雨聲一夜洒寒燈。

原田温夫寓塾中有詩忽卒次韻

蒸燈夜照讀書聲，數琢十年期玉成。同對長安城裏月，前程應見幾回盈。

暮冬 井上梧 桐子懇

歲月崢嶸迹逝川，長繩無術繫流年。春花秋月等閑過，追憶不堪還惘然。

題虎繪 生懇 條田

獨立不羣衆卉中，青葱鎮看四時同。一畝新泥留扁迹，猶聞爽颯嘯餘風。

春初小集 事保 甲寅

世事尋常代謝頻，又隨歲月一場新。白梅黃鳥勸吾醉，來報長安城裏春。

侄世德寄新年作，回和其韻，以勉成器。二月

忽見曙輝映九門，春風不隔董生園。遙思海上饒烜景，喜遞新詩到小軒。

山本契，犬見訪賦詩，見示卒和酬謝。犬助今在所司隊中。

環堵終年伴管城，有逃塵俗要清名。春風忽報故人到，只有桃花知我情。

花契多春 賀人七十，廣 備公之懇

花近朱欄照舞人，堪將絲竹賞芳辰。酌酩猶欲趁餘興，幾度應逢九十春。

梅雨連夜

雨綻黃梅未肯晴，通宵滴瀝四簷聲。篝燈猶照讀殘

卷已被華鯨報五更

閑園

勸拾遺
藤公懇

自是地偏宜避人，枳籬苔徑與山隣。千章嘉樹淨如洗，只著蟬聲不著塵。

梅雨連夜偶賦一絕 兵部大王辱賜 尊和

一章奉次嚴韻以呈左右殊懼僭越

奉候方逢梅雨晴，梁園密樹足蟬聲。何圖忽獲瓊瑤賜，應是敲推經幾更。

月多秋友

八月十五日八條藤公亭
高松中將公到同元進

天開閭闔桂光浮，不羨元龍百尺樓。覆雨翻雲何足

數清暉長伴幾回秋

七夕雲應 兵部大王教

乞巧人間知幾家，千年遺俗祭瓜茄。絲雲擁衛絳河近，縹緲如看五色車。

題画

天為間人刺與間，不須捫葛強登山。山色水光盈尺裏，超然忘却住塵寰。

謹壽山邨良考君七袞呈俚詞一章題龜遊綠

荷

人間亦有瑤池波，暖浮遊曳尾龜會見結巢蓮葉

上長年何復羨安期

嶺上霞 豐忠公七十賀二十首內乙卯正月

絳霞如綺日邊飛遙見祥光接紫微
一片嶺頭收不盡也堪裁得補仙衣

長英適上都會長衡僑居有詩即席次韻甲寅八月

廿六日

尚念左提右挈日承歡膝下自怡怡
從來恩義有相奪好向周行賦載馳

鶴契齡 勢州與田氏乃翁七十賀

翠竹碧梧春滿堂坐看世上幾滄桑
衆相知唯有青田

雙燕表千年日月長

松竹交翠 越州長臣本多左門氏四十賀

竹深長者參差翠松老偏添偃蹇姿
相倚歲寒冰雪裏正逢壽旦管絃時

養竹翁齡登八十八詩以賀之 乙卯春日

養得琅玕影滿庭長年鎮看綠亭亭
惟君相伴不知老莫是人間現壽星

肥前拾遺藤公今茲貴東方登五袞
臣庶欣拊莫不稱慶森下理啟屬予
代製壽詩因賦一絕奉神賀敬乙卯歲

勝日欣逢上壽辰，一般桃李滿城春。椿椿觴漫効華封，祝永世好酬懷惠人。

長井醫伯席上卒賦

十年不負看花期，來聽新鶯轉舊枝。吾髮而今雖種種，賞心何減昔遊時。

自隱老禪還住舊寓庭有孤松葱翠如昔

高蹤重寄舊禪扉，心遠自甘車馬稀。唯有長松能健在，清陰十歲待君歸。

今茲五月廿二日怡松君五袞初度辰開宴招客詩以奉祝

喜君初及知非歲，邀客方開祝壽筵。豈只松筠籠瑞靄，且看瓜瓞永綿延。

題嘉禾圖

大久保牛山題

一望黃雲滿舜田，圖成數把瑞豐年。不知粒粒是辛苦，食何人享萬錢。

蘇桃庵國醫上都之次賁臨葵廬見寄一絕賡

韻奉謝

杉山桃菴姬路醫負也

天使子鳴其善鳴，心知昭運屬文明。相逢未幾又分手，不耐亭臯木葉聲。

題高力士扶醉李圖

安原氏懇本東獻進藤氏所藏

嘗慨王風蔓艸湮志將刪述映千年却來醉倒金鑿
殿今古空傳李謫仙

天恩自隱老禪歸舊寓見招席上次奉高韻
知己多年未得酬香厨却荷接風流幸逢松菊猶存

日疑是歸來三徑秋

苦日中書大王園觀紅葉應教謹呈一絕乙卯十月七日

紅樹青松映酒卮又分帝澤貯漣漪王家自有山林

趣不待愚公費力移

且諸葛武侯贊

鼎足地分炎祚窮誰扶王室共成功欲知當日馳驅

意渾在草廬三顧中

松契遐年山本丹州六秩壽

紅綠爭春艷一時淺斟低唱送金卮同盟唯有長松

在相倚共呈千歲姿

謹壽國醫田九老丈七秩真保丙辰春日

回生起死幾多人喜聽方迎七秩春海屋添籌何足

信唯期令德逐年新

今茲古春孺人勝并氏壽登八秩法鏡寺宮題

賜椿八千字令子安并丈見徵賀詞曰漫呈一

絕

然遠步... 卷之三

新機嘗聽卜等隣文采重逢朱淑真
層藻爛然光滿室稱觴共祝八千椿

初夏郊行

丙辰
夏木森森稍貯風林垆無處覓殘紅
占晴不要備簑笠人在溪聲山色中

春初詣山階

壬子
人日

山村猶未動春光一路雪泥登寶坊
重到當年採薇處竹深松茂影蒼蒼

題畫馬圖

丙辰
合嘉則懇

漢軍振旅奏邊功符竹酬恩漠北空
細柳營畔春未

兔龍媒得意 跋東風

題畫十首

應東廠准三后教賦呈
享保歲在丙辰春日

上林賦就著嘉名儼見金丸顆顆成恨殺
相如空病渴不分一朶解煩情

不向雞群爭稻粱且防美服被人傷
一枝棲得家緣了鬱鬱深松黛色蒼

斷蛇扛鼎互相雄虞兮如何楚帳空
紅淚千年乾未盡仍將舊態寄屏風

當年植竹引龍鬚摘得一苞入畫圖
相對尚思秋液冷誰沉赤水覓玄珠

右蒲
右虞美
人草

右松
右禽
右虞美
人草

名畫苑

卷之三

五十一

蘇東坡詩集卷之三十一

架頭引蔓幾多長分得宮袍別樣黃莫是當年蒙御

愛嫣然一咲露凝香右黃薔薇

寫得園蔬種種真如看生意一般新豉香鹽白堪相

和磨門大嚼是何人右豆菘絲瓜

一株楊柳倚清秋秋意淒涼拂暑流落日蟬聲初罷

後已看新月上梢頭右柳蟬月

文禽戢翼棲枝頭偷眼黃蜂得意遊同在大鈞陶冶

裏相離相避不知休右枯木文錦

蘆藻參差綠欲流錦鱗搖鬣意悠悠可憐微物能知

分不問三山鼉背浮右綠藻戲魚

不著人間脂粉粧滿枝雪厭鎖春光無緣更弄橫斜

影彷彿祇聞一段香右香梅

先人自蚤歲自輯其所作之詩隨得
隨錄今分以各體其次第多據原本
作有早晚又當有得意與不得之異
今皆編錄之蓋不忍遺隻字故也草
率之佐落聲音者同字者間或有之
其餘缺文空字亦皆一從原本大抵
先詩出自然而不事浮藻裝點讀者

蘇東坡詩集卷之三十一 蘇東坡詩集

勿以詩家之法度律之寶曆庚辰秋

七月善韶謹誌

紹述先生文集卷之二十一終

書先君子全集後

文所以載道也。豈徒作乎。蓋有所實而後
有斯文。無實亦何文之有。大抵道徳文章
兼全者。世鮮有其人矣。先君子自幼以善
屬文。及其老也。益究精密。雖半字落紙。
要必非湍源經旨者。不殆其兼全者乎。其
所自輯。名以慥。二齋集。隨得登騰。每卷舊
凡三十五。今分以類。為文二十卷。詩十卷。

云。韶不肖。叨繼箕裘之業。竊以謂今而不
 傳。何謀不朽。歲丙子。與一二同志。頻
 校正。陸續上梓。今茲辛巳之夏。六月。竣工。
 於是予喜可知也。謹誌刊成之歲月于卷
 尾云。各世。機。其。人。英。方。器。子。自。以。美。
 寶曆十一年辛巳六月穀旦子善韶謹跋



四方購求之人須認此印
 為記若無印者皆係偽刻
 寶曆辛巳之秋七月全刊




平安

文泉堂發行



云... 平安... 夫泉堂...
 寶曆辛丑之... 月全...
 四衣... 人...
 善... 無... 印... 朱... 督... 爵... 爵...



山... 田... 田... 田...
 田... 田... 田... 田...

